



**Budimpešta, Mađarska**

**30. Kolovoz 2016**

## **Otvoreno pismo korisnicima Roma education Fund-a**

Poštovani korisnici Roma education fund-a (REF):

U ime REF-a, želim da vam osobno uputim naše pozdrave i da vam poželim uspjeh u novoj školskoj godini. Vjerujem da ste odmorili tokom ljetnih praznika i da ste sada spremni za nove izazove i učenje. Želio bih naglasiti da su vaše potrebe u smislu obrazovanja od ključnog značaja za našu misiju, bez obzira da li ste učenik, student, roditelj ili nastavnik. REF je posvećen pružanju podrške u postizanju respektabilnih obrazovnih postignuća. Od 2005. godine, zajedno smo prešli dug put, strpljivo i uporno, ujedinjujući napore kako bismo zajedno došli do zajedničkog cilja – stjecanje znanja i diploma.

Na početku nove školske godine, želim vam poručiti tri važne poruke o našem budućem radu.

Prvo, REF će nastaviti da radi sa školama, nastavnicima i roditeljima u cilju poticanja institucionalnog dijaloga i poticaja za bolje rezultate obrazovanja romskih učenika. **Obrazovanje djece je obavezno i ono je također odgovornost školskog sistema, dužnost koja obavezuje, naročito škole, nastavnike i roditelje, kako bi se osiguralo da sva djeca ostvare svoje potencijale.** Obrazovanje Roma pripada redovnom sustavu obrazovanja. Kao takvo, ono mora biti adekvatno uzeto u obzir pri postavljanju budućih institucionalnih rješenja. Ipak, praksa pokazuje da "blagi" podsjetnici o pravnoj i institucionalnoj odgovornosti ne dovode do poboljšanja odgovornost ključnih aktera, što znači da ćemo u narednim godinama morati se nositi s izazovom povijesnog naslijeđa diskriminacije u našim društvima.

Drugo, REF-ova misija i modeli intervencija su zasnovani (i opravdani) kolektivnim položajem romske populacije u Europi. **U principu, sveobuhvatni cilj REF-ovih intervencija je usko povezan sa EU definicijom socijalnog uključivanja, po kojoj vjerujemo da je obrazovanje alat za mir i prosperitet, kao i kapitalna investicija za prevenciju konflikta i podršku socijalnoj koheziji.** REF-ova podrška pružena je ograničenom broju pojedinaca, školama i zajednicama, uz očekivanje da, u određenom trenutku, većina njih postanu pokretači promjene. Najvažnije za REF i njegove saveznike je pitanje promjene u smislu obujma i kvaliteta, i posebno kako rstvorigiti promjenu na kolektivnom nivou.

Treće, gore navedeni izazovi nameću REF-u, njegovim partnerima i korisnicima programa, potrebu za **traženjem novih oblika uključujuće i proaktivne saradnje. To je osnovni preduvjet, ako želimo da stvorimo socijalno pravedne i inkluzivne sisteme obrazovanja za naredne generacije romskih učenika.** Pravni okvir obrazovnih sustava je zasnovan na principima pravednosti i inkluzije. Ali u stvarnosti, obrazovne platforme i transfer znanja se u velikoj mjeri nalaze pod uticajem ekonomske i kulturne konkurencije, što posljedično oblikuje dinamiku i kvalitet socijalne interakcije među različitim grupama. REF-u je potreban vaš proaktivni angažman i doprinos radi povećanja efekta i uticaja našeg rada u širim razmjerama.

Želim da vam osobno pozvati da se pridružite REF-ovoj mreži i da založite za potrebe budućih korisnika, svih onih koji, poput vas, trebaju dodatnu podršku da nadiđu diskriminaciju, predrasude, zanemarivanje i isključenje u školama. Postanite REF-ov glasnik, volonter ili alumnista. Budite multiplicirajući faktor u širenju pozitivnog glasa vašim primjerom. Izrazite svoju zabrinutost, predložite rješenja i podijelite svoje ideje sa svim akterima za koje vjerujete da mogu učiniti nešto za



boljitate romske djece i mladih. Podijelite svoje uspjehe i uticaje sa REF-om tako da ih i mi, također, možemo promovirati.

Ostanite u toku jer ćemo napraviti interaktivni alat za vas, kako biste mogli da komentirate putem naše web stranice i društvenih medija u narednim danima.

S poštovanjem,

Nadir Redžepi

Izvršni direktor

Facebook: <https://www.facebook.com/RomaEducationFund>

Youtube: <https://www.youtube.com/romaeducationfundREFv>

Twitter: @romaeducation